

Մ Ո Վ Ս Է Ս Ե . Կ Ա Ք Ո Ղ Ի Կ Ո Ս

Թուղթ առ Վլատիշլաւ Է արքայ Լեհաց<sup>1</sup>. ՌՁԱ. = 1633, 0ԳՈՍ. 30.



**Ս**ՏՈՒԱԾՄՊԱՐԳԵՒԼ Քրիստոսապասկ՝ ծիրանածին և շքեղաշուք, ի գերագոյն տոհմէ ընտրեալ և ի պանծալի շառաւիղէ երևեալ, պսակ և զարդ քրիստոնէից և ահարկու թշնամեաց խաչին Քրիստոսի, ով նազելի և սիրասնունդ հոգեզարդ արքայից արքայ Վլատիշլաւ:

Որ թէպէտ ամենայն կենդանեաց թագաւորք ի չորս բաժանեալ են, այսինքն Մարդ և Առիւծ, Եզն և Արծիւ, որ զչորս Աւետարանչացն ունի զխորհուրդ, որք են չորեքկերպեան աթոռ անմահին Աստուծոյ. սակայն ներքին նկատմամբ՝ ի քեզ տեսանի լիապէս գործառնութիւն չորեսին թագաւորութեանցս այս. քանզի անհամեմատ քանակութեամբ ի պատկեր Աստուծոյ յօրինեալ ես, ձեռամբ անհուն հզօրին՝ մարդ. եւ անյողթելի արիութեամբ և հզօր գօրութեամբ Ձեր և ահարկու դիմեցմամբ ի թշնամիան խաչին Քրիստոսի, բերես զնմանութիւն առեւծու. Եւ շինարար և վաստակաւոր գոյով միշտ՝ յայդի Տեառն գործելով, բերես ի Քեզ զնմանութիւն եզին. Եւ բարձրաթռիչ և արիական գոյմամբ քո՝ ցուցանես ի քեզ զնմանութիւն արծուոյ: Վասն որոյ յարաժամ հանգչի ի քեզ Հոգին Աստուծոյ, ըստ համեմատութեան չորեքկերպեան աթոռին: Ո՛վ պանծալի պետ և ակնկալութիւն ամենայն քրիստոնէից. պահող և պատսպարան բանաւոր հօտին Քրիստոսի:

Նուաստ ծառայ ծառայիցդ Աստուծոյ, Մովսէս կաթողիկոս ամենայն Հայոց, յաջորդ և վերադիտող գահոյից պարթևազին Գրիգորի, ի վիճակ Թաթէոսի սուրբ առաքելոյն՝ ի վերայ արամեան տոհմի. ի հեռաստանէ իբր առ ընթեր գոյով մեծարգոյ և բարձրաբերձ գահոյից Ձերոց, զսրբարար և զաստուածայինն մատուցանեմք ողջոյն, նորընծայ և քրիստոսապարզեւ թագաւորիդ մերոյ Վլատիշլաւի, հանդերձ ամենայն ընտրիլագոյն աշակերտօքն մերովք. Քեզ և ընդ քեւ եղեալ մեծամեծ և քրիստոսասէր իշխանացն, յամենեսեան և յամենայնի ի Տէր խնդալ: Եւ հարցանելով հարցանեմք զանօթդ

1. Հրատարակուած էր Թուղթս ի Ճուզաղ օրագրի, Բ, 72, որպէս և Թուղթ Փիլիպպոսի կիթդ. առ նոյն թագաւոր: Ն. 90: